

Byggðasamlag Vestfjarða um málefni fatlaðs fólks

Fundur í stjórn Byggðasamlags Vestfjarða um málefni fatlaðs fólks (BsVest), haldinn föstudaginn 22. nóvember 2013 kl 12.00.

Mætt voru Albertína F Elíasdóttir, formaður, Friðbjörg Matthíasdóttir, Ómar Már Jónsson, Sigurður Pétursson og Sveinn Ragnarsson. Einnig sátu fundinn Aðalsteinn Óskarsson, framkvæmdastjóri og Sif Huld Albertsdóttir, verkefnastjóri.

1. Fundargerð stjórnar

Lögð fram fundargerð frá 6. september 2013, fundargerð staðfest.

2. Fundargerðir verkefnahóps BsVest

Lagðar fram fundargerðir verkefnahóps BsVest frá 23. október (símafundur) og 13. nóvember s.l..

3. Fjárhagsáætlun 2013

Verkefnastjóri kynnti að félagsþjónustusvæðin hefðu ekki náð að endurskoða forsendur fjárhagsáætlun fyrir 2013, frá því niðurstaða Jöfnunarsjóðs lá fyrir um síðustu mánaðarmót. Því væri ekki hægt að leggja fram endurskoðaða fjárhagsáætlun 2013 og meta hlutfallslega skiptingu á milli félagsþjónustusvæðanna.

Samþykkt að vísa til næsta fundar, sem boðaður yrði strax og upplýsingar liggja fyrir.

4. Drög að fjárhagsáætlun 2014

Verkefnastjóri kynnti að af sömu ástæðum með fjárhagsáætlun 2013, liggi upplýsingar ekki fyrir frá félagsþjónustusvæðunum og því væri ekki hægt að leggja fram fjárhagsáætlun fyrir árið 2014.

Verkefnastjóri kynnti einnig að Jöfnunarsjóður sé að ljúka við leiðréttingar á skýrslu um SIS mat þjónustuþega en upphafleg skýrsla var lögð fram í lok júní 2013 s.l..

Samþykkt að vísa til næsta fundar, sem boðaður yrði strax og upplýsingar liggja fyrir.

5. Drög að starfsáætlun BsVest okt 2013-sept 2014.

Verkefnastjóri lagði fram drög á starfsáætlun fyrir október 2013 til september 2014. Stjórn spurðist fyrir um einstök atriði starfsáætlunar og samþykkir að áætlunin verði lögð til grundvallar starfi verkefnastjóra.

6. Erindi frá Ísafjarðarbæ.

Ósk um framlag til greiðslu mismunar á leigu á almennum leigumarkaði og leigu Húsbyggingarsjóðs Þroskahjálpar. Málið er tekið fyrir að nýju frá fundi 6. september s.l.. Verkefnastjóri lagði fram drög að viljayfirlýsingu og rakti viðræður verkefnastjóra og framkvæmdastjóra við Ísafjarðarbæ um efni yfirlýsingarinnar.

13.45. Daníel Jakobsson, bæjarstjóri mætti til fundar til að ræða forsendur erindis Ísafjarðarbæjar.
14.15. Daníel vék af fundi.

Stjórn felur verkefnastjóra og framkvæmdastjóra að forma tillögu um breytingu á fyrirkomulagi samstarfs innan BsVest um fasteignarekstur. Efni tillögunnar feli í sér að BsVest Byggðasamlag Vestfjarða um málefni fatlaðs fólks verði sá aðili sem geri leigusamninga um sértækt húsnæði fyrir þjónustuþega á félagsþjónustusvæðum sveitarfélaga.

Byggðasamlag Vestfjarða um málefni fatlaðs fólks

Samþykkt að boða til samráðsfundar sveitarfélaga þann 11. desember n.k. þar sem efni tillögunar verði kynnt. Á þeim fundi verði einnig kynnt fjárhagsáætlun 2014, endurskoðuð fjárhagsáætlun fyrir árið 2013 og hlutfallslega skiptingu fjármagns á félagsþjónustusvæðin.

7. Vesturafl. Samningur um rekstur 2014 og þróun starfsemi.

Verkefnastjóri kynnti drög að samningi við Vesturafl um rekstur 2014 og þróun starfssemi.

8. Önnur mál.

- Reglur um NPA, kynntar en samþykkt fresta afgreiðslu til næsta fundar.
- Óskað staðfestingar stjórnar BsVest á breytingu á reglum BsVest um veitingu styrkja til náms, verkfæra og tækjakaupa, á grundvelli 27. gr laga nr 59/1992 um málefni fatlaðs fólks.
- Breyting varðar auglýsingu styrkja. Stjórn staðfestir tillögu að breytingu og felur verkefnastjóra að auglýsa hana í Stjórnartíðindum.

Fleira ekki gert og fundi slitið kl 14.50.